

Na osnovu član 43. Statuta Grada Mostara ("Gradski službeni glasnik Grada Mostara", broj 4/04 i „Službeni glasnik Grada Mostara“, broj 8/09 i 15/10), Odluke o proglašenju stanja nesreće uzrokovane pojavom korona virusa (COVID 19) na području Grada Mostara broj: 02-46-3/20 od 17.03.2020 i Obavijesti za uposlenike Gradske uprave Grada Mostara od dana 17.03.2020 godine, Gradonačelnik Grada Mostara donosi:

ODLUKU

o organizaciji rada Pisarnice i Šalter sale, područnih i mjesnih ureda Gradske uprave Grada Mostara od 06. 04.2020. godine

Član 1.

Ovom Odlukom se utvrđuje rad pisarnice i šalter sale, područnih i mjesnih ureda Gradske uprave Grada Mostara na sljedeći način:

1. Stranke podnose zahtjeve iz nadležnosti odjela i službi Grada Mostara, uz dokaz plaćene administrativne taxe putem pošte, na adresu Grad Mostar, ul. A.Buća 19. Mostar i na službeni mail Grada Mostara: grad.protokol@mostar.ba i grad.prijemzahtjeva@mostar.ba uz skeniranu uplatnicu, kao dokaz plaćene administrativne taxe.
2. Poslovi upisa (osnovni i naknadni) u matične knjige u područnim uredima vrše se srijedom i petkom po rasporedu i pozivu ovlaštenog matičara, osim hitnih upisa koji će se izvršiti odmah.
3. Poslovi izdavanja izvoda iz matičnih knjiga u područnim uredima, pisarnici i šalter sali, vrše se svaki radni dan u terminu od 10-12sati.
4. Poslovi ovjere potpisa prijepisa i rukopisa vrše se u područnim uredima, pisarnici i šalter sali, svaki radni dan u terminu od 10-12 sati.
5. Poslovi upisa (osnovni i naknadni) u matične knjige u mjesnim uredima vrše se po pozivu stranke od strane ovlaštenog matičara, nakon dostavljenih prijavi činjenica rođenja i smrti, od zdravstvenih ustanova.
6. Matičar u mjesnom uredu je dužan za potrebe stranaka istaknuti kontakt telefon na vidno mjesto za slučaj hitne potrebe za izvodom iz matičnih knjiga ili ovjere dokumenta.
7. Poslovi upisa u matičnu knjigu umrlih osoba kod kojih je smrt nastupila van zdravstvene ustanove (kuća, stan i sl.) upis se vrši po zahtjevu stranke, nakon pribavljenih potvrda od nadležne zdravstvene ustanove i u dogovoru sa nadležnim matičarom.
8. Ulazak stranaka u pisarnicu i šalter salu, kao i prijemne urede područnih i mjesnih ureda dozvoljen samo uz korištenje rukavica i maski.

Član 2.

Odluka stupa na snagu danom donošenja i primjenjuje se do donošenja Odluke o prestanku stanja nesreće uzrokovane Corona virusom (COVID 19).

Gradonačelnik

Ljubo Bešlić